

Codex Laureshamensis, Bd. II, Kopialbuch, I. Teil: Oberrhein-, Lobden-, Worms-, Nahe- und Speiergau. Nr. 382 (Reg. 3552)

Ego Hilt drat in dei omnipotentis nomine dono ad sanctum Christi mem. Nazarium qui requiescit in corpore in pago rinensi in monasterio quod vocatur Laur. Ubi venerabilis Adelbero abba preesse videtur, donatumque in perpetuum esse volo, hoc est omnes res proprietatis meae in pago lobodoninse in Hantscuhesheimero marca, et quidquid habeo in Rorbachi marca, et in Buodesheimero marcha, cum domibus ceterisque aedificiis, terris, pratis, pascuis, silvis, campis, aquis, aquarumve decursibus, cultis locis et incultis, mobilibus, et immobilibus rebus, vel quidquid denominari potest vel dici, aut non potest, et mancipia his nominibus Beddo, et Badahildis, et filia eorum Wolchandrut, et Ratmunt. Haec omnia a die presenti trado atque transfundo in dei nomine perpetualiter ad possidendum, stipulatione subnixa. Actum in monasterio Laur., III idus nov. Anno ab incarnatione domini DCCCC. S. Adalberonis piissimi presulis atque abbatis, qui hanc kartam donationis scribere iussit. S. Hilt dradae quae hanc donationem fecit, S. Sigolfi prepositi, Duodonis, Husi, Heimonis, Babonis, Duodonis, Wenilonis, Otberti, Husi, Erkanberti. Ego Sviger scripsi.